



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Angela De Fvlginio, In Qvo Ostenditur Nobis vera via qua
possumus sequi vestigia nostri Redemptoris**

Angela <de Fulginio>

Parisiis, 1598

c. 33. De 4. visione & reuelatione quam habuit de Passione Domini. Et
qualiter multa dicta sunt ei super vero amore quem erga nos ipse habuit:
Et quod amor noster erga eum est falsus & non verus in ...

urn:nbn:de:hbz:466:1-43716

Trigesimum tertium capitulum. De quarta visione & reuelatione quam habuit de Passione Domini. Et qualiter multa dicta sunt ei super verò amore quem erga nos ipse habuit: & quod amor noster erga eum est falsus & non verus in comparatione amoris illius.

ALTERA vice feria quarta maioris hebdomadae ego eram in meditando de morte filij Dei, & meditabar cum dolore, & conabar euacuare mentem de omnia impletura, vt possem animam habere magis relectam in ista Passione, & mortis filij Dei, & eram tota occupata in isto studio & desiderio, quomodo possem euacuare mentem de omnia impletura, vt possem efficacius de hoc cogitare.

Et tunc fuit facta ista loquutio in anima dicens, ego non te amaui per truffam. Istud autem

verbum fuit quædam percussio
mortalis doloris in anima mea,
quia statim sunt aperti oculi ani-
mæ, & videbam clarè quomodo
erat verissimum hoc quod dice-
bat. Videbam enim opera & ef-
fectum illius dilectionis, & vide-
bam omnia quæ facit hic filius
Dei pro isto amore. Et videbam
quæ sustinuit in vita & in morte
iste Deus homo passionatus pro
isto indicibili & euiscerato amo-
re, & intelligebam prædictum
verbum esse verissimum, quod
scilicet me non amauit per truf-
fam, sed verissimo & perfectissi-
mo & euiscerato amore me di-
lexit. Et ego videbam totum cõ-
trarium in me, quomodo ego nõ
amabam eum, nisi per truffam, &
non veraciter, & hoc videre erat
mihi pœna mortalis & dolor in-
tolerabilis, ita quod credebam
mori: & tunc subitò dicta fue-
runt mihi alia verba, quæ augmẽ-
tauerunt dolorem meum, quæ
fuerunt ista. Iterum quod præ-

*De ma-
gno amo-
re & e-
uiscera-
to Chri-
sti ad ge-
nus hu-
manum.*

*Contra-
que mi-
nimo vel
nullo ad
se.*

dictum est subiungendo, ego, inquit, te non dilexi per truffam, ego non seruiui tibi per simulationem, ego te non sensi per elongationem, & tunc augmentata fuit prædicta mortalis pœna & dolor. Tunc autem exclamauit anima & dixit. O magister, istud quod dicis non esse in te, est totum in me, quia nunquam te amavi nisi per truffam, & cum mendacio, & simulatione & nunquam volui approximare tibi in veritate, vt sentirem de laboribus quos tu pro me sentire & tolerare voluisti: & nunquam seruiui tibi veraciter, & propter te, sed cum duplicitate & negligenter.

Videndo igitur hæc prædicta quomodo me veraciter amaauerat, & omnia signa verissimi amoris esse in eo, quomodo se totum & totaliter dederat ad seruiendum mihi, & quomodo se mihi appropinquauerat, sic quod factus fuerat homo, vt do-

lores meos in se veraciter portaret, & sentiret, & videndo totum contrarium in me, tantus dolor & pœna erat mihi, quod ferè moriebar, & sentiebam, quod præ dolore maximo costæ pectoris disiungebantur, & cor videbatur mihi quod vellet crepare. Et cum cogitarem specialiter in illo verbo, ego non te sensi per elongationem, ipse addidit dicēs. Ego sum, inquit, plus intimatus animæ tuæ, quam anima tua sibi met. Sed & ex hoc augmentatus est dolor, quia quātō magis videbam mihi Deum intimatum, tanto magis cognoscebam me elongatam ex parte mea & postea dixit aliqua verba manifestantia, & euisceratiua sui amoris, & dixit. Si quis vellet me sentire in mente sua non auferrem me sibi, & quicumque vellet me videre cū magno placimēto, *Qui viderem sibi visionem meam, & si sint filij Dei & electi*

cum maximo delectamento loquerer cum eo. Ista autem verba excitauerunt in me vnum desiderium, scilicet nolle sentire, nec videre, nec loqui, nec agere aliquid in quo esset offensio Dei, & hoc est, quod specialiter requirit Deus à filiis suis, & ab electis suis: vt quia vocati sunt, & electi ab eo sentiendum, & videndum eum, & ad loquendum cum eo: vult quod omnino caueant à contrariis, sic autem ostensum est mihi & dictum. Illi qui sunt amatores, & sequaces illius paupertatis, doloris, & despectus mei, quę ego semper habui, illi sunt filij mei legitimi & electi, & quorum mens est fixa in ista passione, & morte: vbi est vera salus & viuificatio omnium, & non alibi, illi sunt filij mei legitimi, & alij non sunt filij.

Triges-